

Havaqatigiingniq Ikayuutiqaannut Inuktut Ilinniarnikkut Nunavunmi

Anggirut taapkunani Kanatap Kavamait Nunavut Kavamanga Nunavut Tunngavikkutlu hakugiqhinaqtait ilinniarniq Inuktut uqauhiitigut tamaani Nunavut.

IQALUIT, March 9, 2021

Inuit ihuaqtumik pivikhaqaqtut utiqtiriarni, atuliqtiffaangnahuaqlugu, hakugingniqhaqlugit pihimaaqlugitlu uqauhinggit.

Kanatap Kavamanga, Nunavut Kavamanga Nunavut Tunngavikkutlu tun'ngahuktitaat sainiutaa titiraqhimayuq kangiqhidjut ikayuutiqaanik hakugiqhiliqlugu Inuktut uqauhiat ilinniaqlutiklu tamaani Nunavut ublumi. Kanatap Kavamanga uqagiiyaffaaqtaat hivuni havaangniaqtaat pivikhaqaqtittitutik \$42 miliantaalamik talimani ukiuni ikayuutiqaanik haffuma anggirut. Ilaliutiklu an'ngiyuamik aittuuta una maniqaahaqhaq piniaqtuq, aadlanik maniqaahaqhanik avatkungnaqhiyuq \$12.3 miliantaalamik haffuma miqhaatigut pihimayuq talvanga Nunavunmi Atuliqittinirmut Naalaktiit Nakataq 23 manngit, ikayuqlugit tamaita Kavamatkut aqhuugutait piqariami kivraqtuiviqhanik Inuinnangniq havagviinni Nunavunmi.

Nunavut Kavamanga amigaiquummingniaqtait Inuit ilihaiyiqhanik talvuuna ilihaqlutik Nunavut Ilihariaqpaalirvianni Nunavut Ilihaiyit Ilihagutainnik nunallaani tamaani nunaptingni aulagtiqlutik 2021 mi 22 mut.

Una anggirut niriugiyaat imaa:

- Amigaiquummiklugit pittaalaqiyaami Inuktut uqauhitigut ilihaudjunmik Nunavunmi;
- Amigaiquummiklugit pihimaaqlugit nampait ayuittunut Inuktut uqaqtaaqutunik Inuit ilihaiyit Nunavunmi;
- Amigaiquummiklugit nampait uqainnaktunik Inuktut Nunavunmi;
- Piliurniqlu ikayuutiqhainnik ilihaiyit;
- Aqhuuqhaiqlugu Inuktut atuliqtiffaangnahuaqlugu Inuitlu pilaagutait pidjutitigut uqauhikkut ilinniarnirmunlu; imaalu
- Ikayuqlugit Uqariuqsatittijit pinahuagutaa nutaaniklu pidjutiqaqlutik Inuktut ilihainirmun Inuit ilihaiyitlutu.

Paatnagiiq uvani anggirunmi havangniaqtut tahapkunanut hivuniqhait piliuqlutik havaqatigiingnikkut qanuqtun piyuqhat ihumagiyainnik Inuit hivulliutumayainnik pittiaqlutik, ammaumalutik naunaittiangnaktumiklu.

Havaqatigiingniq atauhiq taamna hivulliutilik anggirutini atuliqtittihimayuq ataani Ilanga 9 haffumani Nunaaqqaarhimayut Uqauhiinnut Maligaa, Anggiqtauhimapluni Kuinmit June 2019 mi. Maligaa hivuniqhaa

ikayuutilik havakpaktainnik Nunaqaqqaarhimayut inuutinggit utiqtiriimi, atuliqtiffaangnahuaqlugu, hakugingniqhaqlugit pihimaaqlugitlu uqauhinggit.

Uqaqtauyut

“Uqauhiq uummatimut ilitariyaudjutilik uvaptingnut. Naunaiqhunilu ilaudjutiqangniqaqtuq anggiyuni nunallaani. Nan’ngahuktun’nga piyaami angginiaqtuq Inuktut uqauhikkut hulidjutiqhainnik ilinniarnimunlu Nunavunmi. Utiqtiffaangnahuaqtillugu, havaqatigiigtuguk pittiaqhuta, ammaumapluta naunaittiangnaktumiklu pipluta hakugingniqhainnut aturnia Inuktun nunaptingni. Pinahuagutigut haffumatut, piyaami ilihaiyit piqariamingniklu ikayuutiqhainnik havaatigut atuqpagainniklu ihariagiyainnik ilihariamingnik Inuktun hakugingniqhaqlugulu Nunavunmiunut quviagilugu aadlanut piplutik uqauhiliqinirmut ilitquhiit.”

Maligaliuqti Steven Guilbeault, Minista Kanatian Ilitquhiit, Kanatap Kavamainni

“Ublumi tuhaqtipkaidjuraa pidjutyuq puiguqtailiyaqhamik hivumuuqtilluni tammaqtailiplugu hakugingniqhaqhugulu Inuktut Nunavunmi. Una iniktigiyauyuq uvagut iniktaaqtappingnik havaqatigiigapta, paatnaqatigiqhuta, tammaqtailiplugu Inuit uqauhiit pitquhiitlu, ublumi hivunilu piyaqhainnik. Una tuhaqtitaudjut aadlanik tikinnahuagutilik *Nunaqaqqaarhimayut Uqauhiitigut Maligaa*—an’ngiyuamik iniktigutilik tamapta munariyaqaqhuta ikayuutiqhainnik Nunaqaqqaarhimayut tammaktailiplugit uqauhinggit. Taitai, una ikayurniaqtuqlu hivuniqhaliuqhaimayut talvani Ukiuqtaqtumi Ukiuqtaqtumilu Atugaqhat Havaaqhait tammaktailiplugit hakugiqhinaqhugitlu, inuuhirittiaqhutik ilagiiktut nunallaatlu.”

—Maligaliuqti Daniel Vandal, Minista, Ukiuqtaqtumi Kavamaliqidjutainni, Kanatap Kavamainni

“Quviahukpiaqtun’nga havaqatigiingmata kavamavut Nunavut Tunngavikkutlu Kanatap Kavamaitlu talvuuna Nunavut Paatnagiingnirmun Uqauhitigut Ilinniarnikkutlu. Pidjutyuq tamainni hivuniqhaliuqhutik ihuaqhaqhimayunik piplutik hakugiqittiniaqhunilu atuliqtiffaaliqlunilu Inuktun nunaptingni. Niriutun’nga amigaittunik pinahuagutunik talvuuna pilutik Nunavut Paatnagiiqatainnut Uqauhikkut Ilinniarnikkutlu imaa piyaami hivuniraalurmuk iniktirilutik nakuuyumik uqauhiqput.”

—Maligaliuqti Margaret Nakashuk, Minista Pitquhiliqiyitkunni, Nunavut Kavamangani

“Talvuuna katitirinirmun pinggahunit ilauyuni, piliurniaqtuguk nutaanik kinguniqhavutnit uqauhikkut akimayunik sikuuqvipingnut nunallaaptingnut, amigaiquyuummiklugitlu iniqarnia ilihaqtittiyaami nutaqqavut Inuktut. Quviagiyara una anggirut piviqhaqarnialu pipkaiyaami Nunavut Ilihagutaa inikhaqaqtittiniaqtuq tikiutiyaami Nunavutim hivuniqhaa taaffuminga uqaqtiqaqlutik malruungnik uqauhiinnik uqayuqtunik ilihaqviqhainnik.”

—Maligaliuqti David Joanase, Minista Ilinniaqtuliiqiyitkunni Ministalu Munariyaqaqtuq Nunavut Ilihaqpaalirviannut, Nunavut Kavamanga

“Tuhaqtitauyuq nakuuyunik Inuit ilihaqtinut. Amigaiquyuummiklugit nampait Inuktut uqayuqtunik ilihaiyiqhanik illitturiniaqtut niriugiyavut Inuktut uqauhiatigut ilihaqtittinikkut sikuuqvipingnut.”

—Aluki Kotierk, An’ngiyuqqaq, Nunavut Tunngavikkut

Qilamik Kangiqhidjutit

<p>Maniit Avatqulimaidjutitqaqtut 2019 ilaliutilik maniliurnirmun imaa \$333.7 milian hitamani ukiuni, ukiuq tamaat maniit atugaqhaqahutik \$115.7 milian talvanga, ikayuutiqhait nunaqqaarhimayut uqauhiinnut nunallaanginnakni havaaqhanut.</p>
<p>Ilinniarniq Nunavunmi munariyait Nunavut Kavamait ataani <i>Ilinniaqtuliriyitkut Maligaa</i> hapkunanilu <i>Inuit Uqauhikkut Tammaqtailinirmun Maligaa</i>, piqaqtittiyuqhaq malruungnik uqayuqtumik uqauhiinni ilihagutiqhamik Inuktut ihumagilluagiplugu, imaalu Inuit ilihaiyi ilihagtillutik talvuuna Nunavut Ilihaqpaalirvianni.</p> <p>Nunavut Ilihaqpaalirvia piniagtut \$34.7 miliantaalamik talimani ukiunut ikayuutiqhainnik pivallianirmut ublumimut ihuaqtauyuqhanik Inuktut ilihagutiqhaata Nunavut Ilihaiyit Ilihaqvihainnut (NTEP naunaittuq), amigaiquummiklugit ilihagutiqhat NTEP ngat aadlanut nunallaanut Nunavunmi, piviqhaqatittilunilu avatingni ikayuutiqhat ilihagtunut.</p>
<p>Nunavut Tunngavikkut ihuaqhaivaktait munariplugitlu Inuit munariyaqhainnik titiraqhimadjutauyut talvani Nunavut Anggirutaani imaalu piyaaqhainniklu piyaami kavamatuqainnit ukiuqtaqtumitlu kavamait ikayuutilutik havaagiyaqhainnik.</p> <p>Talvanga \$42 miliantaalamit, NTI kut piniagtut \$7.3 miliantaalamik talimani ukiuni uqaqtiulutik pivallianirmun nutaanik qilamik angiqliyuummiriami Inuktut ilinniarviqhait piliurlunilu havaaqhanik, ikayuutiqhat ikayuutiqhainik Inuit ilihaiyit hivungani havaktiinnut ilinniaqviliqidjutikkut.</p>

Atayut Hunavaluit

Atuliqtiffaangnikkut Hakugingniqhaqhugulu Inuktut Nunavunmi	https://www.canada.ca/en/canadian-heritage/news/2019/09/revitalizing-and-strengthening-inuktut-in-nunavut.html
---	---

Pidjutilgit Atadjutit

Nunavut Kavamanga	www.gov.nu.ca
Nunavut Tunngavikkut	https://www.tunngavik.com/
Atautimut Uqaqtait Ministait Guilbeault, Bennett, Miller Vandal lu Puiguqtailiyaqhatigut Nunaqqaarhimayunut Uqauhiitatigut	https://www.canada.ca/en/canadian-heritage/news/2021/01/joint-statement-by-ministers-guilbeault-bennett-miller-and-vandal-on-the-importance-of-indigenous-languages.html
Ukiuqtaqtumi Ukiuqtaqtumilu Atugaqhat Havaaqhait	https://www.rcaanc-cirnac.gc.ca/eng/1560523306861/1560523330587
Nunaqqaarhimayut Uqauhiit	https://www.canada.ca/en/services/culture/canadian-identity-society/languages/indigenous.html

<i>Nunaqqaarhimayut Uqauhiit Maligaa</i>	https://www.parl.ca/DocumentViewer/en/42-1/bill/C-91/royal-assent

Uqarvikhatit

Naunaiqhittiarumaguvit, uqarvigidjavat
(tuhaqtakhainnarnik, uqarvigidjavat:

Camille Gagné-Raynauld
Tuhaqtitauyuqhanut Titiraqtia
Havagvia Ministap Pitquhiliqiyitkunni
camille.gagne@canada.ca

Qun'ngiaviliqidjutikkut
Kanatian Ilitquhiptigut
819-994-9101
1-866-569-6155
pch.media-media.pch@canada.ca

Michael Salomonie
Atan'nguyaq, Tuhaqtipkaiyini
Havagviat Pitquhiliqiyitkut
Nunavut Kavamanga
867-975-5526
msalomonie@gov.nu.ca

Troy Rhoades
Atan'nguyauullaktuq, Tuhaqtipkaiyit
Ilinniaqtuliriyitkut
Nunavut Kavamanga
867-975-5680
info.edu@gov.nu.ca

Malaya Mikijuk
Aulapkaiyi, Tuhaqtipkaiyit
Nunavut Tunngavikkut
867-975-4900
MMikijuk@tunngavik.com

Mariana Barney
Atan'nguyaq, Tuhaqtipkaiyuni, Niuvilinirmun,
Havaktiqhaqhiurnirmunlu
Nunavut Ilihaqpaalirvia
867-979-7242
nac.communications@arcticcollege.ca